

germain lui tint la main sur la teste iusq; a tât qz fut
fêt a leglise: illec la euidone du peuple. Saint germai
dist au pere ⁊ a la mere de la vierge quilz lui ramenaf
sent lendemain leur fille. Et quant elle fut ramenee
saint germain vit en elle vng signe celesiel: et lui dit
dieu te saulue fille geneuiefue: te souuiêt il que tu me
promis hyper de la virginite de ton corps. Sait pere res
pôdit lenfant il men souuiêt biē ⁊ a layde de dieu ie de
sire et pense acôplir mon propos. Lors le saint regar
de a terre et voit vng denier darain venu de la volute
de dieu signe du signe de la croix. Il le print et lui dô
na ⁊ dist Geneuiefue vous porteres ce denier en mes
moire de iesucrist vostre espoux: ⁊ ne souffrez entour
vous autre aomemêt ne dor ne dargent ne pierres pre
cieuses: car se la beaulte de ce monde vous surmonte
vng pou vostre pensee vous perdres les biens du ciel.
Il la comâda a dieu ⁊ lui pria quelle se remembrast d
lui en ses oraisons. Il aduint que geronce mere de la
sainte pucelle en vng iour de feste aloit a leglise: ⁊ dit
a sa filie quelle gardast lostel: et geneuiefue dist que
la foy quelle auoit promise a saint germain elle garde
roit a layde de dieu et q̄ souuêthroit a leglise affin q̄lie
deservist estre espouse de iesucrist et q̄ digne fust trou
uee de son amour. La mere se courrouca et lui donna
vne buffe Et tâtost la mere fut aucugle. ⁊ ne vit gout
te par l'espace de xxi. mois. Et quât la mere eust este
lôguemêt en celi pene qui moult luy enuyoit si luy sou
ui: du bien que saint germai auoit dit de sa fille. si l'ap
pella ⁊ lui dist. Ma fille allez au puis ⁊ me appoitez de
leue. Geneuiefue y ala a bonne heure. ⁊ quant elle